




# Oeschjoggeli

Redaktion  
&  
Expedition

Subiger Fasnachts-  
Orkan 2023

Auflage: ZY23W  
Jahrgang: 73  
Priis: 5.- Franke  
Plus 6 Rappe Stüüre



[www.oeschzunft.ch](http://www.oeschzunft.ch)

## IMPRESSUM

s'Impressum tuet üses Dorf gärn läse  
und derzu e Sack Pomme-Chips ine fräse.  
Zünftler, Novize und Heng tüe für euch gern studiere,  
i mängere Stund Schnitzelbänk kreiere.  
Drum tüet e huffe seich mache,  
de hei mer aui vii zum Lache.  
Dir dörft ou gärn schriibe mit,  
dass es ganz vii vo dene Bänk git.



Für d'Schriibfähler säge mir Entschuldigung,  
gwüssi Wörter bruche fasch e Gnähmigung.  
Die viele Dialäkte mache eim ganz Konfus,  
mängisch chunnt me säuber nümme druus.  
Drum liebi Läser tüet üs das verzeihe,  
mir si doch ou nume Leihe.

### Redaktoren

Heng und Oeschzunft Subige

### Herausgeber

Oeschzunft Subige

### Inserate

Gwärbler vo Subige und Umgäbig

### Technische Manipulationen und Druck

MIKO consulting GmbH

### Verkaufsstellen

Landi, Bäckerei Flury und vo Tür zu Tür

### Auflage

777'541 Exemplare

### Preis

5 Goldstückli oder 5.00 Fränkli und 6 Röppli Stüüre

### Sponsoren

D Oeschzunft vo Subige möchte sich bi allne Sponsore rächt härzlech für ihri grösszügigi Spänd und Unterstützig bedanke. Ihr alli häuffet mit, üsi Fasnacht z'finanziere. Ohni euch würdi es grosses Stück Kultur verlore go.





## Ab durch die Hecke

Gueti Nachbarschaft isch nid z verachte,  
so wemä se am Steinackerweg cha betrachte.  
Gärn nämä dr Lorenzo u dr Michu ab u zue mou eis,  
schliesslich isch's im Summer ou immer mega heiss.



„Hurte es chliises“ rüefe die zwe zunang,  
doch scho wirts am Lorenzo Angst und Bang.  
D'Gsichtszüg düe im grad entgleise,  
d'Hecke schniide hets doch gheisse! !

Die zwe düe die Notsituation besprächä,  
so das sie däm Fläschli scho gli chöi s Häusli brächä.  
Bi dere Hitz u mit der Leitere die Hecke schniide Meter um Meter,  
dass chas nid sii dänkt der Michu u dänkt anes Gschichtli vo sim Vater em Hanspeter.

E Deuxchevaux mit Rollverdeck het är zwar keine mehr,  
drfür ä Subaru mit Dachträger.  
Es Brätt uf's Dach u scho geits los,  
die Idee isch doch famos.

Wie ufeme wissä Ross chunt är dr här,  
doch i de Finger anstatt e Colt mit dr Heckeschär.  
Dr Michu usse u dr Lorenzo inne,  
häts öper gseh würd är dänkä „die 2, die Spinne“.

Ä längi Gschicht ä churzä Sinn,  
hilft me nang liegt ou es Bierli drinn.



**STRABAG**

## TV Schiff Ahoi

Am Turnerobe gits feini Torte u Chueche,  
me cha mängs guets Stückli versueche.  
Aber e Priislichte hei si, es isch e grus,  
d'Verchäufer chöme nämlech, säuber ned drus.

### Preise für Torten und Cakes


1 Stück Torte (z.B. Schwarzwälder, Bayleis, Quark, gefüllte Torte)	Fr. 4.50 – 5.00
1 Stück Torte (z.B. Rüeibli, Vermicelle)	Fr. 3.50 – 4.00
1 Stück Torte (z.B. Marroni, Schoggi, Nuss, Frühieckuchen)	Fr. 3.00 – 3.50
1 Stück Torte (gekauft)	Fr. 2.50 - 3.00
1 Stück Cake (selber gebacken)	Fr. 2.50
1 Stück Cake (gekauft)	Fr. 1.50
Cornet (klein oder gross)	Fr. 2.00 - 2.50
Muffins (je nach Dekoration)	Fr. 2.00 - 2.50
Panna-Cotta / Crèmen / Tiramì Sù	Fr. 3.50 - 4.00

1 Torte normale grösse (ca. 26 – 28 cm) = 8 Stück }  
(bei hohen, gefüllten Torten) = 10-12 Stück } Preise wie oben  
1 Torte klein = 6 Stück }

Cacke in ca. 2 cm dicke Stücke schneiden

Preise die Grösse der Stücke etwas nach Gutdünken und Preisen anpassen!

2019



 **Bürgergemeinde Subingen**

**Weihnachtsbaumverkauf**

Wir verkaufen frische Fichten- und Nordmannstannenbäume aus einheimischer, zertifizierter Weihnachtsbaumkultur



**Mittwoch, 21. Dezember 2022**  
**von 14.00 bis 18.00 Uhr**  
 bei Familie Probst Deitingenstrasse 16

Der Bürgerrat

## E P`schiss

Das isch doch Verrat  
 Verarschig im Quadrat.  
 D`Bürgermein duet Wärbig mache  
 aber do, vergot eim wahrlich s`Lache.

Duet me do ufs Böudli luege  
 gloubt me doch, a aues guete.  
 Aber duet me bim Probst uf em Vorplatz stoh  
 cha me die Wärbig nit verstoh.

Nordmannstanne, Wysstanne und ou Fichte  
 me mues uf fasch nüt verzichte.  
 Aber dä uf em Böudli, hät ig gärn

## Spalierstoh

Lüte d`Hochzitsglogge für öper vor Fühwehr  
 de isch das natürlich, e grossi Ehr.  
 Chunt eine unger d`Hube si sie froh  
 und gö gärn, go Spalier stoh.

Wöu das dr Wüthrich Phippu z`Seebärg wagt  
 git das mit em TLF grad, e Uebigsfahrt.  
 Im Steffi isch das rächt  
 e chli Fahrpraxis, isch nit schlächt.

Dr Kumkli Roli, aus Co- Pilot  
 würd häufe i dr Not.  
 D`Hifahrt louft perfekt  
 aues fasch wie g`schleckt.

Doch uf dr Rückfahrt, fot dä Charre afo horne  
 s`Steffi wird ganz bleich de vorne.  
 Dr Roli seit, i einer Rueh  
 do isch sicher e Türe, nit ganz zue.

Är schtiegt nomou us, macht jedi Türe uf und zue  
 und hofft, sig ändlich rueh.  
 Das Horne wott nit höre, är schtiegt no zwöi mou us  
 jo dr Roli, chunt langsam nümme drus.

Do seit Steffi, vielicht liegts do dra  
 leg doch eifach, dr Sicherheitsgurt a.  
 Und plötzlich, aus hät e Geischerthand, ä Schlüssu zoge  
 isch das Horne, wie verflöge.


  
 Kissling Treuhand GmbH  
 Bahnhofstrasse 9  
 Postfach 352  
 4553 Subingen

Telefon +41 (0)32 614 51 27  
 Telefax +41 (0)32 614 51 29  
 www.ki-treuhand.ch

**kissling**  
 TREUHAND

- Wirtschaftsprüfung
- Treuhand
- Unternehmensberatung
- Steuerberatung

## vom letschte Jahr


 **FEUERWEHR SUBINGEN** Einwohnergemeinde **SUBINGEN**


**Information an die Bevölkerung**

Ab sofort habe ich die Ehre, als erste Frau von Subingen überhaupt, mit dem teuersten Fahrzeug, welches die Gemeinde Subingen besitzt, unterwegs zu sein.

Ich werde mich dabei sehr bemühen, die geltenden Verkehrsregeln einzuhalten, nicht verkehrt in den Kreiseln einzufahren, das Trottoir nicht als Fahrspur zu verwenden und wenn möglich keinen Unfall zu verursachen.  
 Sollte mir trotzdem ein Malheur unterlaufen, bitte ich die Bevölkerung um Nachsicht. Denn aller Anfang ist auch für Steffi schwer.

Tanklöschfahrerin Stephanie B. die Erste.





**mir chöis verstoh  
 bi dem Bilfahrer**





## Nussgipfu

Acht jungi Manne, chöis chum erwarte  
drum düe si, äs Büssli starte.  
Das isch kei Witz  
äs zieht se, i d`Oschtschwiiz.

Uf Wüdhuus wei sie go feschte  
das Schlageropenair, sig eis vo de beschte.  
Und tatsächlich, chum hets agfange  
isch ou scho Poscht abgange.

S`Bier isch ganz guet gloffe  
drum si die meischte am 12i, ou scho bsoffe.  
Und wäm das no nit isch glunge  
het mit Gummibärli, e Lösig gfunge.

So chame de ou besser schlofe, öb im Bus  
oder im Gras vorus.  
Gäge mittag, wo die letschte düe erwache  
wei si sich uf e Heiwäg mache.

Doch uf haubem Wäg  
si sie plötzlich, nüm so zwäg.  
S`Bier duet no würke  
sie chöis fasch nüm verdrücke.

Z`Würellos bir Outobahnbeiz  
gö si go löse, ihre Reiz.  
Aber dass ufs WC, chasch go  
mues me zerscht, e Bon, use lo.  
Das dä Bon im Lade niemer wot bruche  
bringt dr Nussgipfu arg is schnufe.  
Das cha doch so nit go  
chasch die Bon, nit eifach lo stoh.

Är nimmt die Opferroue i  
und löst die Bon, gäge Glace i.  
übrigens, wäm Nussgipfu nüt duet säge  
das wär bim Probst Oski, dr Schwerscht bim Wäge.



## Was ist hier falsch ?



**Spenglerei / Sanitär**

**Broder Marcel**

- Boilerentkalkungen
- Sarnafil Bedachungen
- Reparaturen

**Recherswil • Subingen**  
079 408 41 44

24h Service



## Friede, Freude, verschimmelter Kuchen

Uf der Verwautig het's gäh eh Chueche,  
doh düämer nid flueche.  
Däh isch scho fasch zwöi Wuche gläge,  
das macht der Roland ganz vergläge.

Är bisst fröhlich dri  
Und merkt nid derbi,  
das däh Chueche scho gli,  
am dervo laufe isch gsi.

Der Roland het's nid gstört,  
wäge däm heter au nid uf üs ghört.  
Mitem Schimmu im Körper, hei mir Garantie,  
dass der Roland, startet e neui Pandemie.

## Doppelvermietung

E Lokaltä vermiete isch ou sonä Sach,  
we mä das nid sauber Plant gits gärn mou Krach...  
Aber vö mir ah mit dere Gschicht ganz vore,  
vom Noviz zum Zünftler wird üse Michu erkore.

Zu däm fröidige Anlass wie chönts o anders sii,  
bruchts es Festli und zwar ä Toufi.  
Ä guete Götti het sech dr Michu gschnappt,  
dr Ruedi wird scho luege, das alles klappt.

Är het ihm ou dr gueti Tipp,  
S Club-Huus vom Rittverein wär geeignet für dä Trip.  
Dr Michu het no e Stei im Brätt bim Brunner Fritz,  
dä leitet jo dä Huufä jetz.

Nacheme kurze Telefon isch die Sach de o scho klar,  
das Fest nimmt Formä a, das isch ja wunderbar.  
Am Mittwoch vorem grosse Fest isch d Besichtigung,  
dr Michu bechunt dr Schlüssu vom Fritz und chunt richtig in Schwung.

Am Obe nachem Training seit Fritz zum Hefti Alain, gib mou no di Schlüssu,  
minä het jo für am Samsti dr Egloff Michu.  
Da luegt dr Alain ganz dürenang,  
nei mi Schlüssu gib ig nid us dr Hang.

Am Samstig seit dr Alain, ha ig do Klassäzämäkunft,  
De cha ig do die Brüeder nid bruchä vo dr Zunft.  
Buechet het är das scho lang,  
das haut no bim autä Vorstang.

Dr Fritz luegt ganz verduzt,  
är gloubt im hets ä Bire putzt.  
S Wätter isch zum Glück ufem Täufing sire sitä,  
so das är die Party i sim Gartä cha bestrittä.



Heilige St. Alois

Wie me us dr Solothurner Zytig het chönne vernäh  
duet`s z`Subige, e Heilige gä.  
Mir wei däm chli noch go  
das mir das, ou aui chöi verstoh.

Im Chloschter Name Jesu, aus Meischerknächt  
luegt si Vater, das d`Landwirtschaft, louft rächt.  
Und dr Sohn, aus Dreikäsehoch, isch trotz Klausur  
dr einzig Ma, hinger dr Chloschtermuur.

Ou im Chloschter Visitation, näbe dra  
trifft me dä Jüngling öfter a.  
Dört is de Nonne , glunge  
und hei, si Stammboum gfunge.

Är het gwüsst scho früh  
dass är e Nachkomme isch, vom Niklaus von Flüe.  
Besser no, aus Bruder Chlous bekannt  
aus Ratgäber und Friedensschifter, vo aune anerkannt.

Jetzt chöi mir`s äntlich verstoh  
dass do, ume von Flüe Wisu, duet go.  
Aber so heilig chund är üs nit vor  
schiin heilig, das isch ender wohr.



**Turnerinne hei alles fescht im Griff !**

Wenn d GrätturnerInne träniere ir Halle,  
wei sie eis nid und das isch uf ihri Gringe falle!  
Drum stöh d Leiter stehts bereit  
und luege das es ou immer richtig geit.

D Mire Habegger isch mit vollem Isatz derbi,  
hilft der Lenya bim Salto und unterstützt se derbi.  
Nur isch dr Absprung leider z`spot,  
d`Mire gloubt nid das es so goht.

Si muess fescht zuepacke,  
damit d Lenya no landet uf de Hacke.  
Zum Glück isch alles guet gange  
nur s`Shirt hets nid überstange.





## Oh Tannenbaum

Der Ingold Ueli und s'Yvonne hei e Tannebaum usegläse,  
Nei glaubet mir, s'isch würklich e kei Bäse.  
D'Forstwarte hei ne de dä Baum heigstöt,  
wie das der Ueli ou het bschtöt.

Wöu Ueli's Baumständer e chli id Johr isch cho,  
Het är s'ufstöue nit säuber überno.  
Drum het dr Ueli wöue,  
dass d'Forstwarte de Tannebaum i Ständer stöue.

Wie das bim Ueli immer isch,  
Fäut ou der Wisswy nid uf em Tisch.  
Ueli het mit de Forstwarte Michu und Fäbu prostet,  
und hei zäme zwe drei Fläsche kostet.

Liecht agheiteret hei de Michu und Fäbu wöue,  
dä Tannebaum i Ständer stöue.  
Die zwe hei gsagt und gmechet und de ischs ne glunge,  
si hei de Tannebaum i Ständer brunge.

S'Werk isch äntlich voubracht,  
dä Baum steit kerzegrad, sisch e wahri Pracht.  
Dr Tannebaum isch bereit zum schmücke,  
was d'Yvonne ganz duet entzücke.

Jetzt si Michu und Fäbu gange,  
wou si scho ufe Firobe düe blange.  
Am nöchschte Morge het Michu d'Wäut nid chönne verstoh,  
wo är het es Whats-App übercho.

No liecht verschwumme,  
isch es de am Michu doch no glunge.  
Är het uf em Whats-App chönne gseh,  
e Tanne am Bode ligge, das duet sim Forschtwarthärz weh.

Het's die Nacht gschtürmt um d'Edge,  
das es het möge die Tanne umlegge.  
Das cha doch nid si,  
drum luegt der Michu no mou i das Whatts-App dri.

Der Michu merkt de gli,  
dass es isch der Tannebaum vom Ueli und der Yvonne gsi.  
Wöu der Ueli und d' Yvonne düe ganz ungeduldig blange,  
si der Michu und der Fäbu schnäu zuene gange.

Si hei das mou ohni Wisse z'näh wöue,  
dä cheibe Tannebaum i Ständer stöue.  
Nach es paar Minute isch's de ou glunge,  
so het dä Boum doch no es schöns Plätzli ir Stube g'funge.

Worum de Tannebaum isch am Bode gläge,  
das chöi mir Euch ou nid würklich säge.  
Vielleicht hei der Michu und der Fäbu eifah zvöu Wisse gno,  
oder d'Hormon hei der Ueli und d'Yvonne überno.



## Rechne isch Glüksach

Dr Kumpli Stefu het widr mou Fleisch ab Hof z'verchoufe,  
es schint aus das Geschäft guet duet loufe.  
Er macht ou flissig Wärbig für die Fleischpäckli,  
dänkt sich «das git doch wieder paar Franke i mis Säckli»,

«Franke 32 pro Kilo duet das choschte,  
chasch Päckli à 10 Kilo zu mir cho poschte.»  
Das isch verlockend und i ha scho wöue bschtöue,  
doch zersch wot i die Kilo i däm Agebot genau nochezöue.

I fo a rächne und die Kilos addiere,  
chume gäng wie me is grüble und studiere.  
Duet das bim Kumpli Buur chli anders loufe,  
wot dä mir würklech 13.75 Kilo aus 10 Kilo verchoufe?

D Kunde dänke do mache mir jo ä guete  
und düene grad mit Bschtöuige fluete.  
Dr Lädi Urs het de doch no Mitleid  
u dä Fauxpas am Stefu umgehend gseit.

So wird leider nüd us däm Schnäppli  
u dr Stefu chunt doch zu au sine Röppli.  
Fürs nöchschte mou Stefu muesch entweder lehre zöue,  
odre s Agebot zur Prüefig vorgängig am Lädi Urs zuestöue.



## Stromsparmassnahme

Was soll das bedeuten,  
ein Tannenbaum soll doch leuchten.

Was ist denn da wohl los,  
ist etwa der Baum zu gross?  
Oder die Beleuchtung zu klein,  
so viel Sparen sollte nicht sein.

Man glaubt es kaum,  
beim Schulhaus steht dieser schreckliche Baum.  
Weihnachten sind auch Kinderfreuden,  
da sollte einem die Beleuchtung doch nicht reuen.



# Hilari - Eindrücke / Gewaltenübergabe

Worte unseres Ober's Roland

Im Name vor Oeschzunft begrüsse ig ganz härzlich aui  
Ching, Froue und Manne, die Schwule und Lesbisch prägte und s'räschtliche Alphabet.  
die politische grüne, gäube, nei es si jetz die blaue, die schwarze wo ir Mitti si, die rote  
und ou aui angere Sorte,  
d'Fleischässer, d'Vegetarier, d'Veganer, die Gluetefreie, d'Wümmässer und die künscht-  
lich ernährte,  
die Katholische, die Reformierte und aui die wo keini Chöuchestüre zahle, d'Muslime,  
d'Hindu und Budische, und zletscht eifach no aui Chrischte,  
d'Schnappstrinker und Wydrossle, d'Biersüffle und d'Wodkabloederer, d'Möuchtrinker  
und Wasserfründe mit und ohni Blöterli

Ig hoffe i heig aui wo ig gseh ha begrüesst. Sött ig öpper  
vergässe ha, säg ig ganz eifach tschau zäme. Es isch schön,  
dass dir hüt Zobe do bir Oeschzunft sit und mir mitenand  
chöi Hilari, der Start vor Fasnacht 2023, fire.

Jo liebi Lüt, dir heits wou scho verno  
Süscht düeter's hüt z'Obe mit beko.  
Der Ex-Ober Ruedi Schnider,  
steit jetz i de wou verdiente zwöite Glieder.

Ig ha i grossi Fusstapfe dürfe träte,  
dass ig der Ruedi würdig due verträte.  
Ig gibe aues, dass es mir duet glinge.  
mit Euch e unvergässni Fasnachts-Zyt z'vebringe.

Am rote Fade, dass isch dä Alass, wos der Zunft sötti glinge,  
s'Motto für die nöchschti Fasnachts z'finge.  
Hei mir Zünftler mängs Bier und öppe no en Appezöller müesse näh,  
bis es üses Motto **s'isch E-Fasnacht** het gäh.

A üsne prächtige Kreisübüuder chöit dir euch gern lo inspiriere,  
wie me s' Motto so chönti interpretiere.  
Jo ig gib es zu, mir Zünftler hei öppe müesse verzöue,  
was mir mit dem Motto eigentlich hei säge wöue.

.....





# Hilari - Eindrücke / Gewaltenübergabe

.....  
Wäge Ärdöu, Ärdgas, Kohle, dene cheibe fossile Stoffe,  
si mir aui vo der Ärderwärmig stark betroffe.  
Die ganz wäut sötti gmeinsami Massnahme ergriffe,  
doch düe leider no vöu z'vöu Lüt druf pffiffe.

Das isch zum Glück bi us z`Subige nid eso  
Drum si mir Zünftler ganz eifach so uf das Motto cho.  
Mir Subiger si witsichtig und bereit für nöii Sache,  
Drum löt üs ganz eifach e E-Fasnacht lo mache.

Chum mit em E-Trotti, E-Bike, Stromer oder Flyer  
zu üs ad Dorffasnacht de bisch der Player.  
Üs Zünftler chöit der ou entzücke,  
mit ere Solarstromperücke.

Ardwärmi, Wasserkraft, Solar-, Wind- und Holzenergie,  
das isch üsi aktuell Strategie.  
Dass si aues erneuerbari und iheimische Sache,  
drum düemer zäme e suberi E'Fasnacht mache.

Jo, das Motto loht de Fasnächtler vöu Spüurum offe,  
drum düe mir Zünfter doch ganz eifach hoffe,  
dass der aui ganz kreativ wärdet si,  
und a üsere E-Fasnacht zaurich sit derbi.  
.....



.....  
Am 5. März 2022 hei mir  
Zünftler der Zunftstab zrugg übercho,  
und hei müsse am Gmeindrot s'regiere über's Dorf überlo.  
Das sie für üs Zünftler herti 308 Tag gsi,  
doch hüt isch die Wartezyt entlich verbi.

Dir chöit mir globe, ig ha blanget uf die 5. Jahreszyt,  
und hüt isch es äntlich e so wit.  
Jetz wärde Negu mit Chöpf gmacht,  
denn ig wet äntlich, äntlich mou a d'Macht.

Ig wet nit nume mit der Gemeindskasse brilliere,  
sondern ou mou das Subige regiere.  
Sätü du darfsch de schöni Zunftstab näh,  
muesch mer aber derfür der Schlüssu gäh.  
Das füeut sich sehr guet ah,  
dä Schlüssu i de Finger z'ha.  
Über fasch 3'200 Stieregringe herrsche und regiere,  
do darf me sicher scho chli afo plagiere.  
Mir wärdes gseh,  
was i minere 45-tägige Amtsdur aus wird gscheh.  
.....



# Hilari - Eindrücke / Gewaltenübergabe

Vom Gemeindepräsi Hans Ruedi

Mir aber decke jetze zue dä Stier  
und chrüzene mit em Oeschzunft-Wappe-Tier.  
S'Resultat vo dere absurde Allianz;  
isch 44 Tag lang Mummieschanz!



Uf das hei mir der ganzi Summer planget, es isch e wahre Gruus  
doch hüt am Hilari isch's länge Warte ändlich uus.  
Värsli brünzle und singe düe mer ou ändlich isch's so wit:  
Jetz isch sie ändlich do die schöni Fasnachtszit.

Füdlbürger füüt sich in Rueh und Friede gstört.  
wüu Subige ab hüt der Oeschzunft ghört.  
D'Subiger-Nächt, dä Beize-Gstank, das Klima  
Gäu isch für üsi Böögegsundheit prima!



Der Gmeinsschlüssu het der Ober Roli gnoh  
Mir hei derfür s'Oeschzunft-Zepter übercho

Kei Angscht mir gäh nid aus nur d'Gmeins-Gewaute.  
Sorge Schuude Problem und der Agotz Udo düe mer bhaute!  
Nach däm Akt, däm dunkle und und däm Trüebe  
Wei mir mit euch es Fasnachtsliedli üebe:

Sit dr parat ? .... Sit dr parat ?????

Auso: Eins und zwei

E gueti Fasnacht mitenand, das wünsche mir im Narregwand,  
e Bitz Humor und Heiterkeit und Öppe zum 'ne Spass ufgleit  
E guete Witz chli luschtig sy - es hübsches Meitli ou derby,  
e gueti Fasnacht, e gueti Fasnacht, e gueti Fasnacht mitenand!  
EEEEEE - Fasnacht

Näht jetz aui es Glas i d'Hang  
E schöni Fasnacht mitenang





# Hilari - Eindrücke / Gewaltenübergabe

.....  
Jetzt hei mir Zünftler wöue,  
Euch Gmeindröt no zwöi chlini Ufgabe s'töue.  
.....



Jo liebi Gmeindröt, dir heit nech gäh kei Blösse,  
und heit die Ufgabe mit Bravur chöne löse.  
Schön heit der dä Gspass mit gmacht,  
und s'Publikum uf sine chöschte bracht.  
E grösse Applaus für üse Gemeinrot. Danke schön.



So ig bi jetz fasch am Ändi mit mine Sache  
und wett gärn i eigener Sach no chli Wärbig mache.  
Mir Fasnächtler uf em Land hei chli z'kämpfe und si drum froh,  
wenn dir aui zur Mehrzweckhauw würdet cho.  
Üsi Dorrfasnachts-Aläss tatkräftig cho unterstützte,  
das würd üs aune sehr vöu nütze.

Das isch der offizielli Teil vom Hilari 2023 gsi,  
bliebet doch eifach none chli.  
Für e Hunger gits immer no e Wurscht  
und s'het au no vöu guets für e Durscht.  
Dass dir s'Motto 2023 nit düet vergässe,  
Chöit dir ganz eifach e Plagette chaufe, das wär nid vermässe.

Merci, dass der hüt bi üs gsi sit und e schöne Obe,  
Wünsche Euch d'Oeschzünftler und der Ober.





## Zunfttaufe von Lorenzo Mira

Mit Apéro und wisssem Wy,  
si mer bim Lorenzo im Garte gsi.  
A`schliessend het`s zum Gmeindshuus e Umzug gäh,  
dört tuet me de no chli Flüssigs zu sech näh.



Dr Ober u dr Zunftmeister düe nüt studiere,  
u tüe dert ihri Utensilien im Gmeindsfoyer deponiere.  
Bi Sunneschiin wird wiiter gsoffe,  
plötzlech si de d`Zünftler ganz betroffe,  
wöu Türe zum Foyer sich automatisch hend verschlosse  
Dr Tom meint: ig glaub ig tue chli spinne,  
mis Chleid u dr Türschlüssu isch im Foyer dinne.  
Wöu niemer e zwöit Schlüssu het derbi,  
isch Toufi vom Lorenzo für ne Stung ungerbroche gsi.

Dr Ober Roli seit zum Gmeindspräsi Sätu,  
gäu du housch bitte di Ersatzschlüssu schnäu.



## Vo Hand gieng besser

Dr Wyss Dänu üse Brönnhouzbaron vo Subige chasch öpe gseh,  
we är im Waud sis Houz wot schütze, vorem nöchstä Schnee.

Gschäftli machä muess me am Dänu gwüss nid lehrä,  
u o nid wie mä Chundä cha bekehrä.

Deckä muess mes Houz, das isch doch klar,  
So brönnts im Ofä de o wunderbar.

Zum Deckä geits doch afä ring,  
doch trotdäm bruchts i de Vorbereitige ä klare Gring.

Ä Akkuschruber, es paar Schrubä u natürlich ou ä Blachä,  
Schliesslich chunt bi üs o öpe es rägeli obä achä.

Doch ojee Dänu, ä Akkuschruber mit lärem Akku,  
eventuel hesch haut o du mängisch chli ä Wacku.

consulting GmbH

Beratung - Schulung  
Softwareentwicklung

**M I K O**

## Flüge

Einisch säuber Flüge  
wär das nit wet, duet doch lüge.  
Aber das sich das, nit aui chöi leiste  
wüsse gloubi ou die Meischte.

Eine wo isch Rich  
dä flügt sogar, über Frankrich.  
Es Sperrgebiet überflügt är dort  
das weis ma doch, dass sich das nid ghört.

D`Luftpolizei die g`finge das nit net  
starte sofort e Kampfjet.  
Die zwingt dä Hobbypilot, a Bode  
und düe dort mit ihm dobe.

Bir Indentitätskontrolle chunt de us  
das isch jo eine, usem Bundeshus.  
So äs Erläbnis möchte ig nie me  
das seit dr Alain Berset.



## Hüttli—Pflege

Die Hüttli des Weihnachtszaubers braucht man rege,  
so packt der Werkhof an, zu deren Pflege.

Um die Dachfolie besser zu montieren,  
ist Lars die Scharniere am demontieren.  
Die Dächer neu eingefasst,  
das alles wieder passt.  
Noch kurz die Scharniere wieder montiert,  
Lars ist ja über deren Platz orientiert.

Der Weihnachtszauber naht,  
die Hüttli sind parrat.  
Das Werkhofteam ist sehr motiviert  
und das Hausgerippe schnell montiert.  
Die Hütte steht und nun noch das Dach,  
doch dieses wird einfach nicht flach

Da steht man nun in der Hütte drin,  
alle strecken und verrenken ihren „Gring“.  
Da passt doch etwas nicht zusammen,  
beim Montieren ist was schief gegangen.

Die Scharniere wurden nach der Pflege nicht richtig montiert,  
daher werden diese sehr rasch wieder abmontiert.  
Das Übel wird später einmal bereinigt,  
da sind sich alle Beteiligten einig.



## Susi, 30, blond, 3km entfernt

Anstatt sich es neus anti Vireschutz z'kaufe,  
isch der Roland lieber der Michu go taufe.  
Do hei mir gha es Problem,  
hesch grad bruucht es ibuprofen.

Zahlige hei nid wöue stimme,  
do hei mir dr Support müesse trimme  
D'Akalya vo dr Verwaltig het mit em Support telefoniert,  
und se informiert statt diskutiert.

Zuegriff het er bruucht ufe Bildschirm,  
do het dr Roland grunzlet sini Stirn.  
Plötzlech isch e Meldig uftaucht,  
das het dr Akalya und em Support dr Atem graubt

«Susi, 30, ist 3km von dir entfernt und will mit dir chatten»  
Dr Roland ergriff D'initiative,  
und goht id Defensive.  
Er flüchtet vom Tatort  
und goht ane sichere Ort.

Dr Support und Akalya sitze in Stille,  
do ghört me scho fast d'Grille

«Das isch nid mi Arbeitsplatz»  
seit sie i eim Satz  
«i melde mi wieder»  
seit der Supporter gschiider

Mit voller Wuet goht Sie zum Roland  
und redet wie vom Fließband.  
«Du bisch sone Rappespalter,  
aber nennsch di Finanzverwalter».  
Es Anti Vireschutz gits au gratis,  
das isch sogar günstiger aus dr Seline ihri Smarties  
Jäjo dr Roland isch e Luusbueb  
aber es chunnt schlussendlich immer guet  
Si immer söttigi Momente,  
wo mir werde vermisse i sire Rente.





## Ruedi der Wetterschmöcker

Amene Donnstig-Morge,  
heimer üs uf der Gmeindsverwautig gmacht Sorge.  
Dr Ruedi Schnider klettert vor der Verwautig ufe Baum,  
das chunt eim vor wie e Albtraum.

Ume klättere duet er ohni Sicherig,  
während mir im Büro hocke ganz zitterig.  
E Häum isch nirgends in Sicht,  
mir gloube nid, dass das der SUVA-Norm entspricht.

Mit emene Fuchsschwanz macht er d'Sicht vor Verwautig frei,  
dass d' Edlira wieder gseht der Wyssestei.  
Mir dürfe fasch nümme use luege,  
denn jetzt duet sich der Ruedi uf die overschti Gable woge.

Är luegt i aui Himmusrichtige, duet der Wind registriere  
und derbi ou no s'Wätter studiere.  
Vielleicht chöimer gli gseh,  
üse Ruedi am Färnseh us nöii Wätterfeh.

Der Ruedi het sis Tageswerk voubracht,  
dä Bum steit do i neuer Pracht.

Nei der Ruedi het noni gnue becho,  
er wot no ufene Schwatz zum Finanzverwauter go.  
Am Fänschter steit der Ex-Ober vor Zunft,  
isch ä rächt uf der suechi nachere neue Unterkunft.

Nei das isch nid eso, statt dür Türe z'cho,  
het der Ruedi eifach der lgang beim Fänschter gno.  
Der Ober und der Ex-Ober düe zäme parliere  
und schnäu öppis für d'Fasnacht organisiere.

Nach dem kurze Schwatz,  
geit der Rüedu jetzt hei zu sim liebe Schatz.



# vor 3 Jahren geschehen

## Auti Schueh

Reh mache im Waud vöu schade  
drum muess me si bejage.  
D` Jeger düe se kontrolliere  
und mit Abschüss, reguliere.

Mit Höuf vom Trieber, duet's ne glinge  
s`Wöud, i bewegig z` bringe.  
Die loufe lärmend, quer düre Waud  
die Höuf bruchts haut.

Wo ne Trieb isch fertig gsi  
isch eine plötzlich, nüm derbi.  
iiii do raschlets im Gebüsch, was isch dr Grund  
isch ächt e Wöudsou, wo do chund.

Mit rotem Chopf, ganz vou Schweiss  
fluecht är, das isch doch e Scheiss.  
Mir het `s glöst, vo de Schue, dr Gummi  
seit ufregt, dr Michu Kumpli.



## Material defekt

Das duet vor 3 Johr, im Joggeli schtö  
hät niemmer dänkt, dass das nomou cha cho.  
Aber eis isch klar  
Politiker, si unberächebar.

Das het jetzt ou eine erfahre  
wo nüt gahnt het, vo dene Gfahre.  
Bim Triebe, geits über Shtock und Schtei  
das brucht eim scho, e chlei.

Ou s`Material wird strapaziert  
do is haut passiert.  
D`Sole duet sich vo de Schue abtrenne  
das isch ihm, nit`s gönne.

Nach zwö Triibe ischs verbi  
bim Dritte, isch är nüm derbi.  
Doch am Fүүr, mit eme Glesli Wy  
isch die Truur, de schnäu verbi.

Jo Hans Ruedi gueti Vorbereitig würd nütze  
würd di vo setige Vorfäu schütze.  
Und äs git de nüt me z`chlage  
wenn nöchsch mou geisch go jage.



Bedachungen  
Fasadenverkleidungen  
Isolationen  
Gerüstbau

Stefan Weber  
Luzernstrasse 29  
Tel 032 614 34 33  
Natal 079 757 18 83  
ssweber@gawnet.ch



# Wenn die Fahne bei der Fahnenweihe fehlt

Seit 1981 gibt es die Schützenveteranen Wasseramt. Seit einer Woche haben sie auch endlich eine Fahne. Die Fahnenweihe musste allerdings mit einer Notfahne durchgeführt werden, weil ein Kurierdienst bei der Lieferung des Originals versagt hat.

Es grosses Fescht, z'Subige ider Merweckhaue  
Das duet sicher aune g'faue.  
Aber wo si hei wöue afo,  
Isch der OK Präsi noni do.

Dä duet de heime, no d'Red suche.  
Wöu er die doch würd bruche.  
Die chan er leider nümme finge,  
Drum mues är öppis nöis erfinde.

Wie me sofort erkennt  
Isch är, der Schützeveteranen Wasseramt Präsident.  
Und är isch der Grund  
Das dä Verein e Fahne beschunnt.

Die möchte me hüt iweihe,  
Doch leider müest dir mir verzeihe.  
Mit em Fahne-Kurierdienst hets nit klappt  
Dr Präsi isch no gäng, igschnappt.

Drum mues mes mit ere Notfahne mache  
Do vergot eim doch grad s'lache.  
Süsich ischs nach Programm verloffte  
Me het ömu no 2-3 mitenager g'soffe.

Der Retter in der Not war nicht Supermann,  
Nein es war René Guldemann.



Zum Glück chasch d'Schwizer-  
Fahne nid verchert ufmache

## Astra-Bridge

Täglich Stau uf der Outobahn,  
das isch doch der Wahn.  
D'Astra möchte das toppe,  
aber leider duet das floppe.

E fahrbahri Brügg über ne Boustöu,  
isch für d'Laschtwäge d'Höu.  
Düe die mit 50km/h drüber fahe,  
müesse si ähne, nu belade.

Das macht ne föu z'fescht Sorge,  
drum düe si lieber drüber schnooge.  
Und wöu de aui müesse brämse, wunderbar  
isch der Stau scho vorhersehbar.

Wenn die Astra-Bridge nomou söu cho,  
mues das aues besser go.  
Es mues wunderbar funktioniere,  
numme das duet Boudiräktorin Sandra Kolly akzeptiere.

«Wenn die Astra  
die Brücke wieder  
aufstellt, dann muss  
sie <verheben>. Alles  
andere akzeptieren  
wir nicht.»



Sandra Kolly  
Solothurner Baudirektorin



# Fasnachtsprogramm

13. Januar, Freitag

18:33 Rolf Sauser Platz

## Hilari

- Gewaltenübernahme von der Gemeinde
- Guggenmusiken und kleine Festwirtschaft



16. Februar, Donnerstag

## Chesslete

05:05 ab „Rolf Sauser Platz“.

=> Mehlsuppe in der MZG, gekocht und bewirtet durch Rest. Linde

## Chinderchesslete

09:09 ab neuem Primarschulhaus.

=> Mehlsuppe in der MZG, gekocht und bewirtet durch Rest. Linde

## Bunt Obe

- ab 19:19 Fasnacht im MZG  
Sponsoren-Apero
- ab 20:02 Programm  
DJ und Guggenmusiken



17. Februar, Freitag

20:02 im MZG

## Fasnachts-Party vo dr Führwehr

Organisiert von der Feuerwehr Subingen




18. Februar, Samstag

14:04 im MZG

## Chindermaskenball

Organisiert von der Jugendabteilung TV Subingen



19:09 im MZG

## ACS—Maskenball

Organisiert von der ACS  
separates Programm, [www.acs-solothurn.ch](http://www.acs-solothurn.ch)



25. Februar, Samstag

18:18 Uhr beim MZG (draussen)

- Böögverbrennen

20:02 Abendprogramm im MZH

- ab 18:33 Türöffnung

Organisiert von der Oeschzunft

